


中阿含經

古籍  
第二十二

二百六十二  
興二

49373



中阿含經卷第二十二

經有十

第二示土城誦興

東晉罽賓三藏瞿曇僧伽提婆譯

穢品第三

穢求比丘請

智周那問見

華喻水淨梵

黑住無在後

中阿含穢品穢經第一

我聞如是一時佛遊婆奇瘦在鼉山怖林鹿

野園中尔時尊者舍利子告諸比丘諸賢世

有四種人去何為四或有一人內實有穢不

自知內有穢不知如真或有一人內實有穢

自知內有穢知如真或有一人內實無穢不

自知內無穢不知如真或有一人內實無穢



自知內無穢知如真諸賢若有一人內實有  
穢不自知內有穢不知如真者此人於諸人  
中爲最下賤若有一人內實有穢自知內有  
穢知如真者此人於諸人中爲最勝也若有  
一人內實無穢不自知內無穢不知如真者  
此人於諸人中爲最下賤若有一人內實無  
穢自知內無穢知如真者此人於諸人中爲  
最勝也於是有一比丘即從座起偏袒著衣  
叉手向尊者舍梨子白曰尊者舍梨子何因  
何緣說前二人俱有穢穢汙心一者下賤一  
者最勝復何因緣說後二人俱無穢不穢汙  
心一者下賤一者最勝於是尊者舍梨子荅

彼比丘曰賢者若有一人內實有穢不自知  
內有穢不知如真者當知彼人不欲斷穢不  
求方便不精勤學彼便有穢穢汙心命終彼  
因有穢穢汙心命終故便不賢死生不善處  
所以者何彼因有穢穢汙心命終故賢者猶  
如有人或從市肆或從銅作家買銅槃來塵  
垢所汙彼持來已不數洗塵不數揩拭亦不  
日炙又著饒塵處如是銅槃增受塵垢賢者  
如是若有一人內實有穢不自知內有穢不  
知如真者當知彼人不欲斷穢不求方便不  
精勤學彼便有穢穢汙心命終彼因有穢穢  
汙心命終故便不賢死生不善處所以者何

彼因有穢汗心命終故賢者若有一人我  
內有穢我內實有此穢知如真者當知彼人  
欲斷此穢求方便精勤學彼便無穢不穢汗  
心命終彼因無穢不穢汗心命終故便賢死  
生善處所以者何彼因無穢不穢汗心命終  
故賢者猶如有人或從市肆或從銅作家買  
銅槃來塵垢所汗彼持來已數數洗塵數數  
揩拭數數日炙不著饒塵處如是銅槃便極  
淨潔賢者如是若有一人我內有穢我內實  
有此穢知如真者當知彼人欲斷此穢求方  
便精勤學彼便無穢不穢汗心命終彼因無  
穢不穢汗心命終故便賢死生善處所以者

何彼因無穢不穢汗心命終故賢者若有一  
人我內無穢我內實無此穢不知如真者當  
知彼人不護由眼耳所知法彼因不護由眼  
耳所知法故則爲欲心纏彼便有欲有穢穢  
汗心命終彼因有欲有穢穢汗心命終故便  
不賢死生不善處所以者何彼因有欲有穢  
穢汗心命終故賢者猶如有人或從市肆或  
從銅作家買銅槃來無垢淨潔彼持來已不  
數洗塵不數揩拭不數日炙著饒塵處如是  
銅槃必受塵垢賢者如是若有一人我內無  
穢我內實無此穢不知如真者當知彼人不  
護由眼耳所知法彼因不護由眼耳所知法

故則爲欲心纏彼便有欲有穢穢汗心命終  
彼因有欲有穢穢汗心命終故便不賢死生  
不善處所以者何彼因有欲有穢穢汗心命  
終故賢者若有一人我內無穢我內實無此  
穢知如真者當知彼人護由眼耳所知法彼  
因護由眼耳所知法故則不爲欲心纏彼便  
無欲無穢不穢汗心命終彼因無欲無穢不  
穢汗心命終故便賢死生善處所以者何彼  
因無欲無穢不穢汗心命終故賢者猶如有  
人或從市肆或從銅作家買銅槃來無垢淨  
潔彼持來已數數洗磨數數揩拭數數日炙  
不著饒塵處如是銅槃便極淨潔賢者如是



若有一人我內無穢我內實無此穢知如真者當知彼人護由眼耳所知法彼因護由眼耳所知法故則不爲欲心纏彼便無欲無穢不穢汗心命終彼因無欲無穢不穢汗心命終故便賢死生善處所以者何彼因無欲無穢不穢汗心命終故賢者因是緣是說前二人俱有穢穢汗心一者下賤一者最勝因是緣是說後二人俱無穢穢汗心一者下賤一者最勝於是復有比丘即從座起偏袒著衣叉手向尊者舍梨子白曰尊者舍梨子所說穢者何等爲穢尊者舍梨子荅比丘曰賢者無量惡不善法從欲生謂之穢所以者何或

有一人心生如是欲我所犯戒莫令他人知  
我犯戒賢者或有他人知彼犯戒彼因他人  
知犯戒故心便生惡若彼心生惡及心生欲  
者俱是不善賢者或有一人心生如是欲我  
所犯戒當令他人於屏處訶莫令在衆呵我  
犯戒賢者或有他人於衆中呵不在屏處彼

因他人在衆中呵不在屏處故心便生惡若  
彼心生惡及心生欲者俱是不善賢者或有  
一人心生如是欲我所犯戒令勝人呵莫令  
不如人呵我犯戒賢者或有不如人呵彼犯  
戒非是勝人彼因不如人呵非勝人故心便  
生惡若彼心生惡及心生欲者俱是不善賢

者或有一人心生如是欲令我在佛前坐問  
世尊法爲諸比丘說莫令餘比丘在佛前坐  
問世尊法爲諸比丘說賢者或有餘比丘在  
佛前坐問世尊法爲諸比丘說彼因餘比丘  
在佛前坐問世尊法爲諸比丘說故心便生  
惡若彼心生惡及心生欲者俱是不善賢者  
或有一人心生如是欲諸比丘入內時令我  
最在其前諸比丘侍從我將入內莫令餘比  
丘諸比丘入內時最在其前諸比丘侍從將  
彼入內賢者或有餘比丘諸比丘入內時最  
在其前諸比丘侍從彼將入內彼因餘比丘  
諸比丘入內時最在其前諸比丘侍從彼將

入內故心便生惡若彼心生惡及心生欲者  
俱是不善賢者或有一人心生如是欲諸比  
丘已入內時令我最在上坐得第一坐第一  
澡水得第一食莫令餘比丘諸比丘已入內  
時最在上坐得第一坐第一澡水得第一食  
賢者或有餘比丘諸比丘已入內時最在上  
坐得第一坐第一澡水得第一食彼因餘比  
丘諸比丘已入內時最在上坐得第一坐第  
一澡水得第一食故心便生惡若彼心生惡  
及心生欲者俱是不善賢者或有一人心生  
如是欲諸比丘食竟收攝食器行澡水已令  
我為諸居士說法勸發渴仰成就歡喜莫令

餘比丘諸比丘食竟收攝食器行澡水已爲  
諸居士說法勸發渴仰成就歡喜賢者或有  
餘比丘諸比丘食竟收攝食器行澡水已爲  
諸居士說法勸發渴仰成就歡喜彼因餘比  
丘諸比丘食竟收攝食器行澡水已爲諸居  
士說法勸發渴仰成就歡喜故心便生惡若  
彼心生惡及心生欲者俱是不善賢者或有  
一人心生如是欲諸居士往詣衆園時令我  
與共會共集共坐共論莫令餘比丘諸居士  
往詣衆園時與共會共集共坐共論賢者或  
有餘比丘諸居士往詣衆園時與共會共集  
共坐共論彼因餘比丘諸居士往詣衆園時

與其會共集共坐共論故心便生惡若彼心  
生惡及心生欲者俱是不善賢者或有一人  
心生如是欲令我爲王者所識及王大臣梵  
志居士國中人民所知重莫令餘比丘爲王  
者所識及王大臣梵志居士國中人民所知  
重賢者或有餘比丘爲王者所識及王大臣  
梵志居士國中人民所知重彼因餘比丘爲  
王者所識及王大臣梵志居士國中人民所  
知重故心便生惡若彼心生惡及心生欲者  
俱是不善賢者或有一人心生如是欲令我  
爲四衆比丘比丘居優婆塞優婆私所敬重  
莫令餘比丘爲四衆比丘比丘居優婆塞優

婆私所敬重賢者或有餘比丘爲四衆比丘  
比丘及優婆塞優婆私所敬重彼因餘比丘  
爲四衆比丘比丘及優婆塞優婆私所敬重  
故心便生惡若彼心生惡及心生欲者俱是  
不善賢者或有一人心生如是欲令我得衣  
被飲食牀蓐湯藥諸生活具莫令餘比丘得  
衣被飲食牀蓐湯藥諸生活具賢者或有餘  
比丘得衣被飲食牀蓐湯藥諸生活具彼因  
餘比丘得衣被飲食牀蓐湯藥諸生活具故  
心便生惡若彼心生惡及心生欲者俱是不  
善賢者如是彼人若有諸智梵行者不知彼  
生如是無量惡不善心欲者如是彼非沙門

沙門想非智沙門智沙門想非正智正智想  
非正念正念想非清淨清淨想賢者如是彼  
人若有諸智梵行者知彼生如是無量惡不  
善心欲者如是彼非沙門非沙門想非智沙  
門非智沙門想非正智非正智想非正念非  
正念想非清淨非清淨想賢者猶如有人或  
從市肆或從銅作家買銅合槃來盛滿中糞  
蓋覆其上便持而去逕過店肆近衆人行彼  
衆見已皆欲得食意甚愛樂而不憎惡則生  
淨想彼持去已住在一處便開示之衆人見  
已皆不欲食無愛樂意甚憎惡之生不淨想  
若欲食者則不復用況其本自不欲食耶賢



者如是彼人若有諸智梵行者不知彼生如  
是無量惡不善心欲者如是彼非沙門沙門  
想非智沙門智沙門想非正智正智想非正  
念正念想非清淨清淨想賢者如是彼人若  
有諸智梵行者知彼生如是無量惡不善  
心欲者如是彼非沙門非沙門想非智沙門  
非智沙門想非正智非正智想非正念非正  
念想非清淨非清淨想賢者當知如是人莫  
得親近莫恭敬禮事若比丘不應親近便親  
近不應恭敬禮事便恭敬禮事者如是彼便  
長夜得無利無誼則不饒益不安隱快樂生  
苦憂感賢者或有一人心不生如是欲我所

犯戒莫令他人知我犯戒賢者或有他人知  
彼犯戒彼因他人知犯戒故心不生惡若彼  
心無惡心不生欲者是二俱善賢者或有一  
人心不生如是欲我所犯戒當令他人於屏  
處訶莫令在衆訶我犯戒賢者或有他人於  
衆中訶不在屏處彼因在衆中訶不在屏處  
故心不生惡若彼心無惡心不生欲者是二  
俱善賢者或有一人心不生如是欲我所犯  
戒令勝人訶莫令不如人訶我犯戒賢者或  
有不如人訶彼犯戒非是勝人彼因不如人  
訶非勝人故心不生惡若彼心無惡心不生  
欲者是二俱善賢者或有一人心不生如是

欲令我在佛前坐問世尊法爲諸比丘說莫  
令餘比丘在佛前坐問世尊法爲諸比丘說  
賢者或有餘比丘在佛前坐問世尊法爲諸  
比丘說彼因餘比丘在佛前坐問世尊法爲  
諸比丘說故心不生惡若彼心無惡心不生  
欲者是二俱善賢者或有一人心不生如是  
欲諸比丘入內時令我最在其前諸比丘侍  
從我將入內莫令餘比丘諸比丘入內時最  
在其前諸比丘侍從彼將入內賢者或有餘  
比丘諸比丘入內時最在其前諸比丘侍從  
彼將入內彼因餘比丘諸比丘入內時最在  
其前諸比丘侍從將入內故心不生惡若彼

心無惡心不生欲者是二俱善賢者或有一  
人心不生如是欲諸比丘已入內時令我最  
在上坐得第一坐第一澡水得第一食莫令  
餘比丘諸比丘已入內時最在上坐得第一  
坐第一澡水得第一食賢者或有餘比丘諸  
比丘已入內時最在上坐得第一坐第一澡

水得第一食彼因餘比丘諸比丘已入內時  
最在上坐得第一坐第一澡水得第一食故  
心不生惡若彼心無惡心不生欲者是二俱  
善賢者或有一人心不生如是欲諸比丘食  
竟收攝食器行澡水已我爲諸居士說法勸  
發渴仰成就歡喜莫令餘比丘諸比丘食竟

收攝食器行澡水已爲諸居士說法勸發渴  
仰成就歡喜賢者或有餘比丘諸比丘食竟  
收攝食器行澡水已爲諸居士說法勸發渴  
仰成就歡喜彼因餘比丘諸比丘食竟收攝  
食器行澡水已爲諸居士說法勸發渴仰成  
就歡喜故心不生惡若彼心無惡心不生欲  
者是二俱善賢者或有一人心不生如是欲  
諸居士往詣衆園時令我與共會共集共坐  
共論莫令餘比丘諸居士往詣衆園時與共  
會共集共坐共論賢者或有餘比丘諸居士  
往詣衆園時與共會共集共坐共論彼因餘  
比丘諸居士往詣衆園時與共會共集共坐

共論故心不生惡若彼心無惡心不生欲者  
是二俱善賢者或有一人心不生如是欲令  
我爲王者所識及王大臣梵志居士國中  
民所知重莫令餘比丘爲王者所識及王大  
臣梵志居士國中人民所知重賢者或有餘  
比丘爲王者所識及王大臣梵志居士國中  
人民所知重彼因餘比丘爲王者所識及王  
大臣梵志居士國中人民所知重故心不生  
惡若彼心無惡心不生欲者是二俱善賢者  
或有一人心不生如是欲令我爲四衆比丘  
比丘尼優婆塞優婆私所敬重莫令餘比丘  
爲四衆比丘比丘尼優婆塞優婆私所敬重

賢者或有餘比丘爲四衆比丘比丘尼優婆塞優婆私所敬重彼因餘比丘爲四衆比丘比丘尼優婆塞優婆私所敬重故心不生惡比丘尼優婆塞優婆私所敬重故心不生惡若彼心無惡心不生欲者是二俱善賢者或有一人心不生如是欲令我得衣被飲食床蓐湯藥諸生活具莫令餘比丘得衣被飲食床蓐湯藥諸生活具賢者或餘比丘得衣被飲食床蓐湯藥諸生活具彼因餘比丘得衣被飲食床蓐湯藥諸生活具故心不生惡若彼心無惡心不生欲者是二俱善賢者如是彼人若有諸智梵行者不知彼生如是無量善心欲者如是彼沙門非沙門想智沙門非

智沙門想正智非正智想正念非正念想清  
淨非清淨想賢者如是彼人若有諸智梵行  
者知彼生如是無量善心欲者如是彼沙門  
沙門想智沙門智沙門想正智正智想正念  
正念想清淨清淨想賢者猶如有人或從市  
肆或從銅作家買銅合槃來盛滿種種淨美  
飲食蓋覆其上便持而去逕過店肆近衆人  
行彼衆見已皆不欲食無愛樂意甚憎惡之  
生不淨想便作是說即彼糞去即彼糞去彼  
持去已住在一處便開示之衆人見已則皆  
欲食意甚愛樂而不憎惡則生淨想彼若本  
不用食者見已欲食况復其本欲得食耶賢



者如是彼人若有諸智梵行者不知彼生如  
是無量善心欲者如是彼沙門非沙門想智  
沙門非智沙門想正智非正智想正念非正  
念想清淨非清淨想賢者如是彼人若有諸  
智梵行者知彼生如是無量善心欲者如是  
彼沙門沙門想智沙門智沙門想正智正智  
想正念正念想清淨清淨想賢者當知如是  
人應親近之恭敬礼事若比丘應親近者便  
親近應恭敬礼事者便恭敬禮事如是彼便  
長夜得利得誼則得饒益安隱快樂亦得無  
苦無憂愁感尔時尊者大目犍連在彼衆中  
於是尊者大目犍連白曰尊者舍利子我今

欲爲此事說喻聽我說耶尊者舍利子告曰  
賢者大目捷連欲說喻者便可說之尊者大  
目捷連則便白曰尊者舍利子我憶一時遊  
王舍城在巖山中我於尔時過夜平旦著衣  
持鉢入王舍城而行乞食詣舊車師無衣滿  
子家時彼皆比舍更有車師斫治車軸是時  
舊車師無衣滿子往至彼家於是舊車師無  
衣滿子見彼治軸心生是念若彼車師執斧  
治軸斫彼彼惡處者如是彼軸便當極好時  
彼車師即如舊車師無衣滿子心中所念便  
持斧斫彼彼惡處於是舊車師無衣滿子極  
大歡喜而作是說車師子汝心如是則知我

心所以者何以汝持斧斫治車軸彼彼惡處  
如我意故如是尊者舍梨子若有諛諂欺誑  
嫉妬無信懈怠無正念正智無定無慧其心  
狂惑不護諸根不修沙門無所分別尊者舍  
梨子心爲知彼心故而說此法尊者舍梨子  
若有人不諛諂不欺誑無嫉妬有信精進而  
無懈怠有正念正智修定修慧心不狂惑守  
護諸根廣修沙門而善分別彼聞尊者舍梨  
子所說法者猶飢欲食渴欲得飲口及意也  
尊者舍梨子猶刹利女梵志居士工師女端  
正姝好極淨沐浴以香塗身著明淨衣種種  
瓔珞嚴飾其容或復有人爲念彼女求利及

饒益求安隱快樂以青蓮華鬘或瞻蔔華鬘  
或修摩那華鬘或婆師華鬘或阿提牟哆華  
鬘持與彼女彼女歡喜兩手受之以嚴其頭  
尊者舍梨子如是若有人不諛諂不欺誑無  
嫉妬有信精進而無懈怠有正念正智修定  
修慧心不狂惑守護諸根廣修沙門而善分  
別彼聞尊者舍梨子所說法者猶飢欲食渴  
欲得飲口及意也尊者舍梨子甚竒甚特尊  
者舍梨子常拔濟諸梵行者令離不善安立  
善處如是二尊更相稱說從座起去尊者舍  
梨子所說如是尊者大目犍連及諸比丘聞  
尊者舍梨子所說歡喜奉行

藏經第一竟

五千一百八十八字

中阿含藏品求法經第二 第二小土城誦

我聞如是一時佛遊拘婆羅國與大比丘衆  
俱往詣五娑羅村比丘攝耜林中及諸名德  
上尊長老弟子等謂尊者舍利子尊者大  
目捷連尊者大迦葉尊者大迦旃延尊者阿  
那律陀尊者麗越尊者阿難如是比餘名德  
上尊長老弟子等亦在五娑羅村並皆近  
佛葉屋邊住尔時世尊告諸比丘汝等當行  
求法莫行求飲食所以者何我慈愍弟子故  
欲令行求法不行求飲食若汝等行求飲食  
不行求法者汝等既自惡我亦無名稱若汝

遵行求法不行求飲食者汝等既自好我亦  
有名稱云何諸弟子為求飲食故而依佛行  
非為求法我飽食訖食事已辦猶有殘食於  
後有二比丘來飢渴力羸我語彼曰我飽食  
訖食事已辦猶有殘食汝等欲食者便取食  
之若汝不取者我便取以寫著淨地或復寫

著無蟲水中彼二比丘第一比丘便作是念  
世尊食訖食事已辦猶有殘食若我不取者  
世尊必取寫著淨地或復寫著無虫水中我  
今寧可取而食之即便取食彼比丘取此食  
已雖一日一夜樂而得安隱但彼比丘因取  
此食故不可佛意所以者何彼比丘因取此

食故不得少欲不知厭足不得易養不得易  
滿不得知時不知節限不得精進不得宴坐  
不得淨行不得遠離不得一心不得精勤亦  
不得涅槃是以彼比丘因取此食故不可佛  
意是謂諸弟子為行求飲食故而依佛行非  
為求法去何諸弟子行求法不行求飲食彼  
二比丘第二比丘便作是念世尊食訖食事  
已辦猶有殘食若我不取者世尊必取寫著  
淨地或復寫著無蟲水中又世尊說食中之  
下極者謂殘餘食也我今寧可不取此食作  
是念已即便不取彼比丘不取此食已雖一  
日一夜苦而不安隱但彼比丘因不取此食

故得可佛意所以者何彼比丘因不取此食  
故得少欲得知足得易養得易滿得知時得  
節限得精進得宴坐得淨行得遠離得一心  
得精勤亦得涅槃是以彼比丘因不取此食  
故得可佛意是謂諸弟子爲行求法故而依  
佛行非爲求飲食於是世尊告諸弟子若有  
法律尊師樂住遠離上弟子不樂住遠離者  
彼法律不饒益多人不得樂非爲愍傷  
世間亦非爲天爲人求義及饒益求安隱快  
樂若有法律尊師樂住遠離中下弟子不樂  
住遠離者彼法律不饒益多人不得樂  
非爲愍傷世間亦非爲天爲人求義及饒益



求安隱快樂若有法律尊師樂任遠離上弟子亦樂任遠離者彼法律饒益多人多人得樂爲愍傷世間亦爲天爲人求義及饒益求安隱快樂若有法律尊師樂任遠離中下弟子亦樂任遠離者彼法律饒益多人多人得樂爲愍傷世間亦爲天爲人求義及饒益求安隱快樂是時尊者舍利子亦在衆中彼時世尊告曰舍利子汝爲諸比丘說法如法我患背痛今欲小息尊者舍利子即受佛教唯然世尊於是世尊四疊優多羅僧以敷床上卷僧伽梨作枕右脇而卧足足相累作光明想正念正智常念欲起是時尊者舍利子告

諸比丘諸賢當知世尊向略說法若有法律  
尊師樂住遠離上弟子不樂住遠離者彼法  
律不饒益多人多人不得樂不為愍傷世間  
亦非為天為人求義及饒益求安隱快樂若  
有法律尊師樂住遠離中下弟子不樂住遠  
離者彼法律不饒益多人多人不得樂不為  
愍傷世間亦非為天為人求義及饒益求安  
隱快樂若有法律尊師樂住遠離上弟子亦  
樂住遠離者彼法律饒益多人多人得樂為  
愍傷世間亦為天為人求義及饒益求安隱  
快樂若有法律尊師樂住遠離中下弟子亦  
樂住遠離者彼法律饒益多人多人得樂為

愍傷世間亦爲天爲人求義及饒益求安隱  
快樂然世尊說此法極略汝等云何解義云  
何廣分別彼時衆中或有比丘作如是說尊  
者舍利子若諸長老上尊自說我得究竟智我  
生已盡梵行已立所作已辦不更受有知如  
真諸梵行者聞彼比丘自說我得究竟智便  
得歡喜復有比丘作如是說尊者舍利子若  
中下弟子求願無上涅槃諸梵行者見彼行  
已便得歡喜如是彼比丘而說此義不可尊  
者舍利子意尊者舍利子告彼比丘諸賢等  
聽我爲汝說諸賢若有法律尊師樂任遠離  
上弟子不樂任遠離者上弟子有三事可毀

云何爲三尊師樂住遠離上弟子不學捨離  
上弟子以此可毀尊師若說可斷法上弟子  
不斷彼法上弟子以此可毀所受證上弟  
子而捨方便上弟子以此可毀若有法律尊  
師樂住遠離上弟子不樂住遠離者上弟子  
有此三事可毀諸賢若有法律尊師樂住遠  
離中下弟子不樂住遠離者中下弟子有三  
事可毀云何爲三尊師樂住遠離中下弟子  
不學捨離中下弟子以此可毀尊師若說可  
斷法中下弟子不斷彼法中下弟子以此可  
毀所受證中下弟子而捨方便中下弟子  
以此可毀若有法律尊師樂住遠離中下弟

子不樂住遠離者中下弟子有此三事可毀  
諸賢若有法律尊師樂住遠離上弟子亦樂  
住遠離者上弟子有三事可稱云何爲三尊  
師樂住遠離上弟子亦學捨離上弟子以此  
可稱尊師若說可斷法上弟子便斷彼法上  
弟子以此可稱所可受證上弟子精進勤學  
不捨方便上弟子以此可稱諸賢若有法律  
尊師樂住遠離上弟子亦樂住遠離者上弟  
子有此三事可稱諸賢若有法律尊師樂住  
遠離中下弟子亦樂住遠離者中下弟子有  
三事可稱云何爲三尊師樂住遠離中下弟  
子亦學捨離中下弟子以此可稱尊師若說

可斷法中下弟子便斷彼法中下弟子以此  
可稱所可受證中下弟子精進勤學不捨方  
便中下弟子以此可稱諸賢若有法律尊師  
樂住遠離中下弟子亦樂住遠離者中下弟  
子有此三事可稱尊者舍利子復告諸比丘  
諸賢有中道能得心住得定得樂順法次法  
得通得覺亦得涅槃諸賢去何有中道能得  
心住得定得樂順法次法得通得覺亦得涅  
槃諸賢念欲惡惡念欲亦惡彼斷念欲亦斷  
惡念欲如是恚怨結慳嫉欺誑諛諂無慙無  
愧慢最上慢貢高放逸豪貴憎諍諸賢貪亦  
惡著亦惡彼斷貪亦斷著諸賢是謂中道能

得心住得定得樂順法次法得通得覺亦得  
涅槃諸賢復有中道能得心住得定得樂順  
法次法得通得覺亦得涅槃諸賢去何復有  
中道能得心住得定得樂順法次法得通得  
覺亦得涅槃謂八支聖道正見乃至正定是  
為八諸賢是謂復有中道能得心住得定得  
樂順法次法得通得覺亦得涅槃於息世尊  
所患即除而得安隱從卧寤起結加趺坐嘆  
尊者舍利子善哉善哉舍利子為諸比丘  
說法如法舍利子汝當復為諸比丘說法如  
法舍利子汝當數數為諸比丘說法如法余  
時世尊告諸比丘汝等當共受法如法誦習

執持所以者何此法如法有法有義為梵行  
 本得通得覺亦得涅槃諸族姓子剃除鬚髮  
 著袈裟衣至信捨家無家學道者此法如法  
 當善受持佛說如是尊者舍利子及諸比丘  
 聞佛所說歡喜奉行  
 求法經第二竟

中阿舍經卷第二十二

興

瘦瘦

同二鼉山

上音險

槃槃

同二揩拭

皆上反口

屏處

音上

也餅隱

澡滌

上音早用

洗

床牀

同二蓐

音厚薦也

草

盛滿

上音成

迎過

上音義

下古和反

居肆

上音肆

店字同店

同店鋪

也

得誼

下音義

斫治

上音之若反

車

下音音

斧

也

刀音甫

諭諂

正音羊朱反

媼

上音尺

餅

二音同識

華

也





擧

作下

莫

班

反

瞻

葡

上

音

占

反

牟

唆

下

可

呼

丁

攝

和

字

羸

力

垂

反

燕

坐

上

正

脇

虛

業

反

寤

音

悟



